



*D. O. M.*  
 DE COSTARUM FRACTURA.  
 T H E S E S  
 ANATOMICÆ ET CHIRURGICÆ.

I.



IRA ossium compages suam humano corpori dignitatem conciliat, suum præbet adminiculum. Hoc quippè munimento destituta corporis moles nec stare posset nec in omnem sensum flecti ac moveri. Si ergo in ossibus quælibet supervenerit læsio, inde oriètur non modo deformitas, sed etiam periculum imminet majus minus-ve, habitâ partis aut læsionis ratione.

I I.

INTER ossa costæ locum obtinent non ultimum. Iisdem ferè muniis deputantur, iisdem penè subjacent calamitatibus quarum



2

longè periculosior fractura. Hæc postrema morbi species tractanda nobis incumbit, quam ut facilius explanare valeamus, multum juvabit partium structuram pernoscere.

I I I.

**COSTÆ** duodecim utrinquè in veras & spurias distinctæ; ossa sunt complanata, longa & arcuata mediantibus cartilaginibus sterno anticâ in parte conjuncta, posterius verò vertebrae dorsalibus. Una quæque costa in partem mediam & extrema solet dividi, & in iis plurimæ annotandæ veniunt partes. Sursum & deorsum plurimis moventur costæ musculis quorum alii proprii & alii communes habentur; aliundè secundum totam thoracis peripheriam vasa cujuscumque generis quæ in costarum fracturis affici possunt diligenter sunt observanda. Cum autem nimis in longum protraheretur singularum illarum partium descriptio, satis habebimus, si quæstionibus ad objectum nostrum pertinentibus, nostris pro viribus responderimus.

I V.

**FRACTURAM** vocamus continuitatis in osse solutionem à quâcumque causâ externâ & contundente productam.

V

**VARIÆ** sunt fracturarum species quibus costæ affici possunt; variis proinde spectandæ modis. Harum differentie à naturâ, figurâ, amotione partium fractarum nec non accidentibus repetuntur. Sic costarum fractura vel est simplex, vel composita, vel vulnere aut alio affectu stipata; transversa etiam, obliqua, vel cum fragmentis distinguitur; prout etiam diversimodè agit causa frangens, vel intrinsecus vel extrinsecus tendunt partes fractæ. Fracturam costæ subsequuntur quandoque dolor acutus, dyspnœa, à puncturâ pleuræ vel pulmonum emphysema, ab arteriæ intercostalis læsione hæmorrhagia seu interna seu externa; hæc autem accidentia ut plurimum subsequuntur, sicut & causas, ætatem laborantis & habitum, diligenter explorari non ratio tantum præscribit, sed & ars imperat.



## V I.

VARIIS dignoscuntur costarum fracturæ signis; quæ in communia & in propria, imò in æquivoca & certa distingui solent; illa autem ex tactû, visû auditû & imprimis accidentibus deduci possunt. Si adsit in latere inæqualitas; si costæ segmenti pars promineat vel deprimatur; si in osse solutionem continui digiti sentiant; si percipiatur crepitus; si ægra sit respiratio; si denique prodeat emphysema, hæc erit costæ fracturæ diagnosi. At Chirurgus vel peritissimus & longâ in arte experientiâ edoctus vix ac ne vix quidem dignoscet costarum fracturas eo potissimum casu quo levissima aut potius nulla omnino partium læsarum disjunctio (frequens porro id evenit) seu cùm maxima in membranæ communis textû cellulari aderit pinguedinis copia.

## V I I.

STATUTA semel fracturarum diagnosi, prognosis earumdem facili negotio infertur, modò parumper expendantur differentiæ.

## V I I I.

CUM multiplex sit fracturarum in costis supervenientium species, non una & eadem debet esse tractandi methodus. Si nulla aut saltem levis existet partium fracturarum dimotio, nihil aliud tunc Chirurgo agendum, nisi ut partes affectas in statu contineat naturam. Hoc autem præstant alius, quies & apparatus idoneus.

## I X.

LONGE verò diversa & multò laboriosior instituitur curandi ratio, si extremitates fracturam passæ à se invicem disjungantur, intûs projiciantur aut extûs compellantur, alia-ve supra aliam exsurgat; tunc ad reductionem diversimodè confugiendum, imò pro re natâ ad incisionem; apparatus vario modo disponendus. Si læsæ arteriæ intercostalis adsint signa, hæmorrhagia juxta artis regulas compescenda; quod ut obrineatur, detegendus arteriæ læsæ locus, & compressione soîâ, si par sit\*.

\* Ad hunc finem adhiberi potest ingeniosa machina comprimens à M. Belloq excogitata, Vide Comm. Reg. Chir. Acad. tom. 2.



4  
vel ligaturâ si necesse fuerit, sanguinis effluxui obstandum.  
Emphysemati minori, vel topicis resolventibus; vel etiam inci-  
sione, si majus fuerit, succurrendum. Cæterum costis tandem  
adunatis, vulnûs ex artis normâ deligatur.

X.

QUEMADMODUM in curandis cæterorum ossium fractu-  
ris, itâ quantum ad costas attinet, tria occurrunt observanda;  
primum nempe ut extremitates inter se committantur; secun-  
dum ut in statû naturali contineantur; tertium deniquè ut  
futura præcaveantur accidentia, & præsentia, si quæ, sunt de-  
bitis debellantur remediis.

*Has Theses, DEO JUVANTE, & Præside M. FRANCISCO-  
MICHAELE DISDIER, Artium & Chirurgiæ Ma-  
gistro, Scholarum Præposito, Regiæque Chirurgorum Acade-  
miæ Consiliario, tueri conabitur, JOANNES BURGALIERE,  
Cadurcensis, in almâ Universitate Parisiensi, Artium liberalium  
Magister.*

P. A R I S I I S,  
IN REGIIS CHIRURGORUM SCHOLIS;

*Die Veneris 28<sup>a</sup>. Septembris, à jequir-jecunaa post meridiem ad  
septimam, Anno R. S. H. 1764.*

P R O A C T U P U B L I C O  
E T  
M A G I S T E R I I L A U R E A .

---

Typis P. AL. L E P R I E U R, Regii Chirurg. Collegii  
Typographi.